

**Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje TK
Tuzla**

Broj:01-14-28/16-3

Datum, 23.06.2016. godine

Na osnovu člana 25., člana 64. stav 1. tačka b), člana 70. stav 1., 3., i 6. i člana 89. Zakona o javnim nabavkama Bosne i Hercegovine („Službeni glasnik BiH“, broj:39/14), člana 25. Statuta JU Služba za zapošljavanje Tuzlanskog kantona i preporuke Komisije za javne nabavke utvrđene u zapisniku broj: 01-14-28/16-2 od 20.06.2016. godine, u postupku javne nabavke usluge uređenja arhive sa implementacijom elektronske arhive (nabavka softvera za praćenje arhive), donosim

O D L U K U

**o izboru najpovoljnijeg ponuđača u otvorenom postupku
javne nabavke usluge uređenja arhive sa implementacijom elektronske arhive
(nabavka softvera za praćenje arhive)**

I

Prihvata se preporuka Komisije za javne nabavke i Ugovor za nabavku usluge uređenja arhive sa implementacijom elektronske arhive (nabavka softvera za praćenje arhive) dodjeljuje se ponuđaču „Mikrocop BH“ d.o.o. Sarajevo, sa ponuđenom cijenom u iznosu od 59.900,00 KM bez PDV-a, kao najbolje ocijenjenom ponuđaču.

II

Po pravosnažnosti ove Odluke, Ugovorni organ će zaključiti ugovor o javnoj nabavci usluge uređenja arhive sa implementacijom elektronske arhive (nabavka softvera za praćenje arhive), kojim će regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupak ugovaranja.

III

Ova Odluka objavit će se na web stranici JU Služba za zapošljavanje Tuzlanskog kantona – www.szztk.ba, istovremeno s upućivanjem ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka, broj: 01-14-28/16 od 01.04.2016. godine, u kojoj je predviđeno da je procijenjena vrijednost javne nabavke usluge uređenja arhive sa implementacijom elektronske arhive (nabavka softvera za praćenje arhive) 79.487,10 KM bez PDV-a.

Obavještenje o nabavci broj: 647-1-2-26-3-7/16 objavljeno je na Portalu javnih nabavki 01.06.2016. godine.

Postupak javne nabavke uređenja arhive sa implementacijom elektronske arhive, proveden je putem otvorenog postupka, broj:01-14-28/16-1 od 01.06.2016. godine.

Komisija za javne nabavke, dostavila je odgovornom licu ugovornog organa Zapisnik o otvaranju ponuda i Zapisnik o ocjeni ponuda sa preporukom o izboru najpovoljnijeg ponuđača u postupku predmetne javne nabavke.

U postupku po izvještaju o radu, utvrđeno je da je Komisija za javne nabavke blagovremeno i pravilno izvršila otvaranje ponuda, o čemu je sačinila odgovarajući zapisnik, u kome je utvrđeno da je ukupan broj blagovremeno zaprimljenih ponuda četiri i to:

1. „Sector ADS“ d.o.o. Banja Luka,
2. „CloudIT“ d.o.o. Sarajevo,
3. „Mikrocop BH“ d.o.o. Sarajevo
4. Grupa ponuđača: „InfoDom“ d.o.o. Sarajevo, „Mikrografija“ d.o.o. Sarajevo i „Mikrografija“ d.o.o. Novo Mesto.

U postupku donošenja ove odluke, posebno su cijenjene činjenice da je Komisija, pravilno i potpuno, ocijenila kvalificiranost ponuđača, te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, direktor Službe nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju nesporno je da je od kvalifikovanih ponuđača, najbolje ocijenjen ponuđač „Mikrocop BH“ d.o.o. Sarajevo, zbog kriterija najniže cijene kako slijedi:

- | | |
|--|--------------|
| 1. „Mikrocop BH“ d.o.o. Sarajevo | 59.900,00 KM |
| 2. „InfoDom“ d.o.o. Sarajevo
(ovlašteni predstavnik grupe ponuđača) | 61.852,55 KM |
| 3. „CloudIT“ d.o.o. Sarajevo | 78.575,00 KM |

Izabrani ponuđač je izabran primjenjujući kriterij najniže cijene, koja je ponuđena u iznosu od 59.900,00 KM, dok su ostali ponuđači čije ponude su prihvatljive ponudili cijene ka što je naprijed navedeno.

Iz navedenog razloga, primjenom člana 64. stav 1), tačka b) Zakona o javnim nabavkama Bosne i Hercegovine, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi BiH, putem Ugovornog organa, najkasnije u roku od 10 (deset) dana od dana prijema ove odluke. Žalba se podnosi u dovoljnom broju primjeraka, a koji ne može biti manji od tri. Naknada za žalbu je propisana članom 108. Zakona o javnim nabavkama Bosne i Hercegovine.

DIREKTOR

Senad Muhamedbegović, dipl.pravnik

Dostaviti:

1. Ponuđačima
2. a/a

Prilog:

Zapisnik o pregledu i ocjeni